



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Haymo-//nis Episcopi Hal-/berstattensis, De Varietate//  
librorum, siue de Amore cœlestis// patriæ libri. III. ...**

**Haimo <Halberstadensis>**

**Coloniae, 1531**

**VD16 H 231**

XXXVII Exempla sanctoru[m] patrum de patientia.

**urn:nbn:de:hbz:466:1-29814**

## HAY. DE VARIET. LIB.

Tuetur in virginibus beatam integritatē, in viduis laboriosam castitatem, in cōiugatis & maritatis individualiū castitatē. Facit humiles in prosperis, in aduersis fortes, cōtra iniurias & cōtumelias mites. Docet delinquentibus cito ignoscere, si ipse delinquas, diu & multum rogare. Tentationes expugnat, persecutiones tolerat, passiones & martyria cōsummat. Ipsa est quae fidei nostrę firmamēta firmiter munit. Ipsa est quae incrementa spei sublimitate perhibet. Ipsa dirigit ut tenere possimus viam Christi, dum p̄ eius tolerantiam ingredimur. Ipsa efficit ut perseueremus filij dei, dum patientiā patris imitamur. Hæc em̄ christianitatis summa est, ut amantibus vicissitudinem, lædentibus patientiā rependamus. Qui ergo fuerit patientior ad iniuriā, potentior constituetur in regno.

### Exempla sanctorum patrū de patientia.

Caput XXXVII.

Cyp. 1. Pe. 2. **P**etrus super quē ecclesia domini dignatiōe fundata est, in epistola sua ponit & dicit. Christus passus est pro vobis, relinquēs vobis exemplū ut sequamini vestigia eius, qui peccatū non fecit, nec inuentus est dolus in ore eius, qui cum malediceret non remaledicebat, cum pateretur non cōminabatur. Tradebat aut̄ se iudicantis iniuste. Inuenimus deniq; & Patriarchas, & prophetas, & iustos omnes qui figurā Christi imagine præeunte portabant, nihil magis custodisse in laude virtutū suarū, q̄d patientiam forti & stabili æquanimitate tenuerunt. Sic

## LIBER SECUNDVS.

Abel originem martyrij & passionē iusti hoīs initi-  
ans primus & dedicans, aduersus fratrē fratricidam  
non resistit nec reluctatur, sed humiliis & mitis patiē-  
ter occiditur. Noē per centū annos in ædificationē Bern.  
arcæ longos sustinuit labores, sed hos patienter & si-  
ne murmuratione pertulit. Sic Abrahā deo credens Cyp.  
& radicem ac fundamentū fidei primus instituēs, tē-  
ratus in filio non dubitat nec cunctatur, sed præce-  
ptis dei tota patientia deuotionis obsequitur. Et Isa  
ac ad hostiæ dominicæ similitudinē præfigurat⁹, qñ  
à patre immolandus offertur, patiens inuenitur. Et  
Iacob fugatus à fratre de domo sua patiēter excedit,  
& maiore patientia postmodū supplex adhuc mag⁹  
impiū & psecutorem muneribus pacificis ad cōcor-  
diā reuocat. Ioseph venundatus à fratribus & rele-  
gatus, non tñ patienter ignoscit, sed & gratuita fru-  
menta venientibus largiter & clementer impartiit.

Moyses ab ingrato & pfido populo cōtemnitur fre-  
quenter & pene lapidatur, & tamen lenis & patiens  
pro eisdem dñm deprecatur. Samuel vero ab scelera-  
to populo de principatu ejscitur, & tamen pro eisdē Cyp.  
lachrymosis precibus patiens dominū supplicat. In  
Dauid vero, ex quo secundū carnē Christi natuitas  
oritur, quām magna & mira & Christiana patiētia,  
habuisse in manu sāpe vt Saul regē persequentē se,  
& interficere concupiscentem, posset occidere, & tñ  
subditū sibi & traditum maluisse seruare, nec repen- Ioan.  
disse inimico vicē, sed occisum adhuc insuper & vin-  
dicasse. Esaias propheta patiens à perfidis sectus esse  
perhibetur. Hieremias propheta neruo religat⁹, sed

e iiiij

## HAY. DE VARIET. LIB.

cuncta pro dño patienter ptulisse legitur. Ezechiel  
in captiuitate positus patiens per omnia fuisse cognoscitur. Daniel in lacum leonū mittitur, & patiens in  
omnibus tribulationibus pro dei amore fuisse repe-  
ritur. Tres pueri in camino ignis missi pro dei amo-  
re patienter sustinuerunt, vnde & in sancta ecclesia  
celebre nomen promeruerunt. Iob orbitate filiorū  
percussus, substantiaq; innumera priuatus, tormen-  
tis grauioribus corporis sui afflictus, ab vxore mul-  
tis opprobijs vexatus, ab amicj irrisus, nunq; ex ore  
suo indignū protulit sermonē, sed omnia patienter  
pertulit. Tobias cæcitate percussus, ab vxore impro-  
peratus, nunq; ex eius ore sermo murmuratiois exi-  
vit, sed patiens in omnibus semp fuisse cognoscit. Mat-  
chabeī martyres innumera pro lege dei sui patiēter  
sustinuerunt tormenta. Ioānes baptista ab impiissi-  
mo Herode rege in carcerē truditur, ibiq; patienter  
, p veritatis assertioe capite plectitur. Petrus aposto-  
lorū princeps (sicut in Actis apostolorū legitur) cum  
ceteris suis coapostolis sæpe flagellatur, p diuinitati-  
culu, patiens & gaudens semp fuisse repitur. Vn  
Actu. 4. de dicit scriptura. Ibāt apostoli gaudentes à conspe-  
ctu concilij, quod digni habitu sunt pro nomine Iesu  
cōtumeliam pati, Paulus apostolus multa, p Christi  
amore passus est, que etiā enumerari difficile est: car-  
ceres, vincula, verbera, flagella, supplicia. A Iudæis  
lapidatur, virgis cæditur, præcipitatur, latrones in-  
currit, ab inimicis fratribus insidias pfert, int' timor  
est, foris pugna. Patitur famem, nuditatē, calumnias,  
insidias, tribulationes. Bestiastolerat, & quid op?

## LIBER SECUNDVS.

est multa dicere: quotidie moritur, & tamen in his omnibus gaudet & gloriatur, atque paties & exultas dicit: Gaudeo autem in passionibus meis. Et iterum: Non solum Col. 1.10 in tribulationibus. Si ergo Ro. 5.10 tanta paties gaudebat & gloriabatur, quod erit venia, quod excusatio huius, qui pro paruis iniuriis ac verberibus, aut qualibuscunque tribulationibus, quae utique illis inferiores sunt, impatientes existunt: Ioannes apostolus & euangelista in dolio feruerti missus, & in insula Pathmos exilio relegatus cuncta aduersa sibi illata patienter propter amorem Christi tolerat. Stephanus ab apostolis diaconus ordinatus inter manus lapidantium corde pacifico pro suis ipsis inimicis, fixis in terra genibus deprecatur. Ecce enim cognoscimus diuinam nos instruente scriptura, quia sancti patres nostri qui nos praecesserunt per virtutem patientiae celestes coronas promeruerunt. Seruare ergo fratres in mente patientiam, eamque cum res exigit, exercete in operatiore, nulla vestra & rerum vos damna perturbent. Si enim fixa mente mensura damna perimescitis, dana rerum trans euntium grauia non putatis. Si aeternae retributionis gloria conspicitis, de temporali iniuria non doletis. Tolerate ergo aduersarios vestros, sed ut fratres diligite quos toleratis.

Grego.

## Testimonia sacrae scripturarum de patientia. Caput XXXVIII.

**D**ominus ac redemptor noster, qui princeps Esa. 9.6 pacis a propheta appellatur, in cuius secundum carnem nativitate angelorum cecinit exercitus.

e v.